

亥21

3-13<13

圖經衍義本草

十三



圖經衍義本草卷之二十九

曰四

圖經衍義本草卷之三十

曰五

圖經衍義本草卷之三十一

曰六



圖經詩義本草卷之二十一

上海涵芬樓影印正統道藏本

圖經詩義本草卷之二十一



圖經衍義本草卷之二十九


四

宋通直郎辨驗藥材寇宗奭編集

宋太醫助教辨驗藥材許洪校正

獸部下品

豚卵



豚卵味甘溫無毒主驚癇癰疾鬼疰蠱毒除

寒熱賁豚五癰邪氣攣縮一名豚顛陰乾藏之勿令敗○懸蹄主五痔伏熱在腸腸癰內蝕○猪四足小寒主傷撻諸敗瘡下乳汁○心主驚邪憂恚○腎冷和理腎氣通利膀胱

四四

膽主傷寒熱渴○肚主補中益氣止渴利○齒主小兒驚癇五月五日取○髻膏生髮○肪膏主煎諸膏藥解斑猫茺青毒○猴猪肉味酸冷療狂病○凡猪肉味苦主閉血脉弱筋骨虛人肌不可久食病人金瘡者尤甚○

猪屎主寒熱黃疸濕痺

圖經曰豚卵本經不著所出州土云一名
豚顛陰乾藏之勿令敗謹按楊雄方言云
猪燕朝鮮之間謂之豶關東西謂之彘或
謂之豕南楚謂之豨音喜其子謂之彘音奚吳

揚之間謂之猪子其實一種也今云豚卵
當是猪子也猪之屬爲用最多惟肉不宜
食食之多暴肥蓋風虛所致也

陶隱居云猪爲用最多惟肉不宜食人有
多食皆能暴肥此蓋虛肥故也其脂能悅

皮膚作手膏不皴裂肪膏煎藥無不用之
勿令中水臘月者歷年不壞頸下膏謂之
負華肪入道家用其屎汁極療溫毒熱食
其肉飲酒不可卧床稻穰中又白猪白蹄
雜青者不可食之猪膏又忌烏梅

曰四

二

禹錫云按孟詵云腎主人腎虛不可久食
肚主暴痢虛弱○按日華子云腎補水藏
暖腰膝補膀胱治耳聾雖補腎又令人少
子肚補虛損殺勞蟲止痢釀黃糯米蒸搗
爲末甚治膀胱氣并小兒疳蛔黃瘦病



外臺祕要方療毒熱病攻手足腫疼痛欲
脫方猪膏和羊屎塗之亦佳

千金翼方治手足皴裂血出疼痛若冬月
冒涉凍凌面目手足瘡壞及熱疼痛皆治
取猪腦髓著熱酒中以洗之差

肘後方治卒腫痢身面皆洪大生猪肝一
具細切頓食之勿與鹽乃可用苦酒妙
經驗後方定喘化涎猪蹄甲四十九箇洗
淨控乾每箇指甲內半夏白礬各一字入
罐子內封閉勿令煙出火煨通赤去火細



研入麝香一錢七人有上喘咳嗽用糯米
飲下小兒半錢至妙

梅師方治產後虛勞骨節疼痛汗出不止
取猪腎造晞臙以葱豉米如法食之

傷寒類要方療男子女人黃疸病醫不愈

曰四

三

耳目悉黃食飲不消胃中脹熱生黃衣在
胃中有乾屎使病爾用煎猪脂一小升溫
熱頓服之日三燥屎下去乃愈

千金髓方治胎孕九箇月將產消息用猪
肚一箇依常法著葱五味煮熟食之食不



盡再食不與別人食

姚和衆方小兒初生猪膽一枚以水七升
煎取四升澄清浴兒令永無瘡疥
子母祕錄方療吹妳惡寒壯熱猪肪脂以
冷水浸搦之熱即易有效

狐



狐陰莖

味甘有毒主女子絕產陰痒小兒陰

頰卵腫○五藏及腸味苦微寒有毒主蠱毒
寒熱小兒驚癇雄狐屎燒之辟惡在木石上
者是

圖經曰狐舊不著所出州郡陶隱居注云

江東無狐皆在北方及益州今江南亦時

有京洛尤多形似黃狗鼻尖尾大北土作
鱸生食之甚暖去風補虛勞陰莖及五藏
皆入藥肝燒灰以治風今人作狐肝散用



之膽主暴亡續傳信方云臘月收雄狐膽
若有人卒暴亡未移時者溫水微研灌入
喉即活常須預備救人移時即無及矣
陶隱居云江東無狐皆出北方及益州間
形似狸而黃亦善能爲魅

目四

四

唐本註云狐肉及腸作臠食之主疥瘡久
不差者腸主牛疫燒灰和水灌之乃勝獺
鼻尖似小狗惟大尾全不似狸

日華子云狐暖無毒補虛勞治惡瘡疥隨
藏而補頭尾灰治牛疫以水飲之心肝生

服治妖魅雄狐尾燒辟惡

孟詵云狐補虛煮炙食之又主五藏邪氣
患蠱毒寒熱宜多服之

食醫心鏡云治驚癇神精恍惚語言錯謬

歌笑無度兼五藏積冷蠱毒寒熱狐肉一

斤及五藏治如食法豉汁中煮五味和作
羹或作粥炙食並得京中以羊骨汁鯽魚
替豉汁

千金方惡刺取狐屎灰臘月膏和封孔上
又方治一切惡癰中冷瘕肉用正月狐屎

不限多少乾末食前新汲水下一錢匕
衍義曰狐今用肝治風皮兼毛用爲裘者
是也此獸多疑極審聽人智出之以多疑
審聽而捕取捕者多用骨

獺



獺肝味甘有毒主鬼疟瘰毒却魚鯁止久嗽
燒服之○肉療疫氣溫病及牛馬時行病煮
屎灌之亦良

圖經曰獺舊不著所出州土今江湖間多
有之北土人亦馴養以爲翫廣雅一名水

狗然有獺

音賓

獺或作獺

音獺

形大頭如馬

身似蝙蝠淮南子云養池魚者不畜獺獺

許慎註云獺獺類也入藥當以取魚祭天

者其肉性寒主骨蒸勞血脈不行營衛虛
滿及女子經絡不通血熱大小腸祕澀然



消陽氣不益男子宜少食五藏及肉皆性
寒惟肝溫主傳尸勞極四肢寒瘡虛汗客
熱亦主產勞諸畜肝皆葉數定惟此肝一
月一葉十二月十二葉其間又有退葉用
之須見形力不爾多偽

陶隱居云獺有兩種有獺獺形大頭如馬
身似蝙蝠不入藥用此當取以魚祭天者
其骨亦療食魚骨鯁有牛馬家可與取屎
收之多出溪岸邊其肉不可免肉雜食

唐本註云別錄云獺四足主手足皮皴裂

陳藏器云獺主魚骨鯁不可出者取足於
項下爬之亦煮汁食皮毛上水瘡病者作
褥及履履著之并煮汁服屎主魚臍瘡研
傳之亦主驢馬蟲癩細研灌鼻中

禹錫云按藥性論云獺肝君味鹹微熱無

四

六

毒能治上氣欬嗽勞損疾尸疰瘦病其骨
治嘔噦不止○孟詵云獺用主疰病相染
一門悉患者以肝一具炙末以水和方
寸匕服之日再服謹按服之下水脹但熱
毒風虛脹服之即差若是冷氣虛脹食益

